



Broj: 02-685/13
Vareš, 18.06.2013. godine

Na osnovu člana 33. Statuta Općine Vareš – Prečišćeni tekst, broj: 01-162/12 od 11.09.2012. godine, a u skladu sa članom 26. Zakona o popisu stanovništva, domaćinstava i stanova u Bosni i Hercegovini 2013. godine („Službeni glasnik BiH”, broj 10/12 i 18/13), Općinski načelnik d o n o s i

R J E Š E N J E
o formiranju Popisne komisije Općine Vareš za popis stanovništva,
domaćinstava i stanova u BiH 2013. godine

I

Ovim Rješenjem formira se Popisna komisija općine Vareš za popis stanovništva, domaćinstava i stanova u Bosni i Hercegovini 2013. godine.

U sastav Popisne komisije imenuju se:

1. Leon Pavlović, sekretar Općinskog vijeća - predsjednik,
2. Miralem Musa, zaposlenik u Općini (geometar) -član,
3. Divna Semunović, zaposlenica u Općini - član
4. Dragan Sekulić – član.

II

Popisna komisija općine Vareš u skladu sa Zakonom o popisu stanovništva, domaćinstava i stanova u BiH 2013. godine („Službeni glasnik BiH“, broj 10/12 i 18/13), obavlja sljedeće poslove:

- rukovodi pripremama, organizovanjem i provođenjem popisa na teritoriji općine,
- vrši izbor i imenovanje instruktora i popisivača za područje općine;
- obavještava stanovništvo o značaju popisa, načinu i vremenu njegovog provođenja, o pravima i dužnostima građana i načinu izvršavanja obaveza u popisu;
- brine o pravilnoj primjeni metodoloških i organizacionih uputstava;
- preuzima štampani popisni materijal i dijeli ga instruktorima, koji ga dalje distribuišu popisivačima;
- osigurava prostorije i uvjete za provođenje obuke općinskih instruktora i popisivača;
- provodi nadzor nad radom instruktora i ostalih učesnika u popisu;
- izdaje propisana ovlaštenja za rad učesnicima u popisu;

- preduzima mjere koje garantuju kompletan obuhvat jedinica popisa;
- preuzima popisni materijal od instruktora, organizuje i kontroliše obuhvat i kvalitet popisnog materijala;
- osigurava skladištenje popisnog materijala uz ispunjenje propisanih sigurnosnih mjera i uvjeta određenih Zakonom o zaštiti ličnih podataka;
- organizuje prijevoz i pravovremeno dostavljanje popisnog materijala na mjesto unosa;
- priprema obračun troškova nastalih za pripremu i provođenje popisa u skladu sa instrukcijama.
- obavlja druge poslove u skladu sa Zakonom i instrukcijama ovlaštenih osoba Federalnog zavoda za statistiku uz obavezno pridržavanje postupaka i definicija koji su dati u Metodologiji za pripremu organizovanje i provođenje popisa stanovništva, domaćinstava i stanova u BiH 2013. godine i Uputstvu za organizaciju i provođenje popisa na teritoriji Federacije Bosne i Hercegovine.

III

Za svoj rad Popisna komisija odgovara Kantonalnoj popisnoj komisiji i Federalnom zavodu za statistiku.

IV

Sredstva za finansiranje rada Popisne komisije osiguravaju se u skladu sa članom 38. Zakona o popisu stanovništva, domaćinstava i stanova u BiH 2013. godine („Službeni glasnik BiH“, broj 10/12 i 18/13).

V

Mandat Popisne komisije traje do završetka svih poslova Popisa stanovništva, domaćinstava i stanova koji se odnose na terenski rad.

VI

Rješenje stupa na snagu danom donošenja i objavit će se na oglasnoj tabli Općine Vareš.

DOSTAVLJENO:

- 1 x Članovima komisije,
- 1 x Federalni zavod za statistiku,
- 1 x Agencija za statistiku BiH,
- 1 x Centralni popisni biro,
- 1 x Općinski načelnik,
- 1 x a/a.

OPĆINSKI NAČELNIK

Kovačević Avdija, dipl. pravnik